



REGLUGERÐ

Um félagaskipti

1. gr.

Íslenskur ríkisborgari sem er félagsbundinn í félagi innan ÍHÍ og uppfyllir að öðru leyti hlutgengisreglur ÍSÍ er hlutgengur til þátttöku í mótum á vegum ÍHÍ. Enginn leikmaður má þiggja laun fyrir að taka þátt í mótum eða keppnum á vegum ÍHÍ. Þeir sem starfa sem þjálfarar hjá aðildarfélögum ÍHÍ teljast ekki launaðir sem leikmenn.

2. gr.

Tímabil félagaskipta skulu vera tvö, innan og utan keppnistímabils og gilda um það mismunandi reglur. Meginregla félagsskipta skal vera sú að þau fari fram utan keppnistímabils þ. e. á tímabilinu 1. júní til og með 30. september ár hvert. Tímabilið 1. október til og með 31. maí telst vera keppnistímabil. Félagaskipti innan keppnistímabilsins skal synjað í öllum tilfellum nema með þeim undantekningum sem fram koma í reglugerð þessari. Stjórn ÍHÍ skal ákveða fyrirfram um mót sem haldið er utan keppnistímabils, hvoru tímabilinu mótið tilheyri.

3. gr.

Leikmaður, eða nýtt félag hans getur óskað félagaskipta, til skrifstofu ÍHÍ með tölvupósti sem berst öllum fyrrnefndum aðilum ásamt kvittun fyrir greiðslu félagaskiptagjalds. Í póstinum skal koma fram nafn og kt. leikmanns ásamt nafni nýs félags og fyrrum félags. Í framhaldi af því skal ÍHÍ fá staðfest skuldleysi leikmannsins við hans fyrra félag.

4. gr.

Félagaskipti milli landa fara eftir reglum IIHF hvort sem um er að ræða íslenska eða erlenda leikmenn.

5. gr.

Greiða skal félagaskiptagjald til ÍHÍ. Íslenskur leikmaður telst löglegur þegar skilyrði 3. gr. reglugerðar nr. 9 um félagaskipti, hafa verið uppfyllt og ÍHÍ hefur gefið út leikheimild. Erlendur leikmaður telst löglegur þegar félagaskiptagjald (fyrir ITC eða LOA) hefur verið greitt inn á reikning IHI (bankakvittun), staðfesting hefur borist frá IIHF og ÍHÍ hefur gefið út leikheimild. Leikheimildir ÍHÍ eru gefnar út í tölvupósti til stjórnar félags umsækjanda og/eða með birtingu á heimasíðu ÍHÍ.

- a) Gjald fyrir innlend félagaskipti er kr. 25.000.- fyrir leikmenn í þriðja flokki og uppúr.



- b) Tryggingargjald fyrir erlend félagaskipti (ITC) er kr. 125.000.-Fyrir hvert fyrstu þrjú erlendra félagaskipta (ITC+LOA) hvers tímabils greiðist félagaskiptagjald til ÍHÍ kr. 25.000. Það og félagaskiptagjöld erlendra sambanda og IIHF dragast frá tryggingargjaldi og endurgreiðir ÍHÍ mismuninn til viðkomandi félags. Ef félag óskar eftir erlendum félagaskiptum fyrir fleiri en þrjá leikmenn af sama kyni skal það greiða kr. 200.000.-, fyrir utan tryggingargjaldið, sem gjaldfærast að fullu fyrir hvern leikmann.
- c) Leikmaður án íslensks ríkiborgararéttar en með varanleg félagaskipti skal greiða kr. 25.000 í félagaskiptagjald. Leikmaðurinn telst til erlendra leikmanna samanber b liður 5. gr.
- d) Gjald fyrir Letter of approval (LOA) er kr. 25.000.- fyrir leikmenn undir 18 ára aldri, leiki þeir með meistaraflokki.

6. gr.

Skráning á leikmönnum skal fara fram sem hér segir:

- a) Erlenda leikmenn skal skrá fyrir 1. nóvember ár hvert.
- b) Erlendir leikmenn skulu leika a.m.k. einn leik í hverri umferð sem spiluð er fram að úrslitakeppni eftir 1. nóvember, til þess að teljast gjaldgengir í úrslitakeppni. Missi leikmaður úr umferð vegna meiðsla eða leikbanns, tapar hann ekki gjaldgengi sínu til þáttöku í úrslitakeppni. Umferð er skilgreind sem: einn leikur leikinn við hvert lið sem skráð er til keppni. Stjórn ÍHÍ er heimilt að veita undanþágu frá kvöðum um leikjafjölda í hverri umferð telji stjórn ÍHÍ það rétt og sanngjarnt. Skilyrði fyrir slíkrí undanþágu er að hún sé samþykkt samhljóða í stjórn ÍHÍ.

7. gr.

Þátttaka erlendra leikmanna í mótum á vegum ÍHÍ fer eftir reglum ÍHÍ. Liðum er heimilt að hafa erlenda leikmenn. Félög sem óska eftir leyfi fyrir erlenda leikmenn skulu senda umsókn þar að lútandi til ÍHÍ og skal farið eftir reglum IIHF.

Stjórn ÍHÍ gefur út keppnisleyfi fyrir viðkomandi erlendan leikmann að uppfylltum skilyrðum 6. gr. Útgefið keppnisleyfi gildir einungis fyrir viðkomandi tímabil.

8. gr.

Neiti félag að staðfesta skuldleysi leikmanns þá skal viðkomandi leikmaður/nýtt félag óska eftir skriflegum útskýringum frá félaginu og skal það hafa 2 sólahringa til að skila andsvari.

Skili félagið ekki inn útskýringum til viðkomandi leikmanns eða ÍHÍ, getur ÍHÍ gefið út leikheimild án þess að staðfesting á skuldleysi liggi fyrir. Skuldir leikmanna, eldri en frá síðastliðnu keppnistímabili, geta ekki stöðvað félagaskipti.

9. gr.



Aðildarfélögum innan ÍHÍ er heimilt að gera samning við leikmenn sína sem takmarkar rétt þeirra til félagaskipta. Samningar þessir skulu sendir stjórn ÍHÍ til staðfestingar. Óheimilt er að ræða félagaskipti við samningsbundna leikmenn innan keppnistímabils.

10. gr.

Stjórn ÍHÍ getur veitt undanþágu fyrir félagaskiptum bæði íslenskra sem erlendra leikmanna telji stjórn ÍHÍ það rétt og sanngjarnt. Skilyrði fyrir slíkri undanþágu er að hún sé samþykkt samhljóða í stjórn ÍHÍ.

Stjórn ÍHÍ hefur heimild til að veita undanþágu ef leikmaður tekur þátt í deildarkeppni sem fram fer í ólíku tímabelti sunnan miðbaugs. Einfaldan meirihluta stjórnar þarf fyrir heimildinni.

- a) ~~Leikmaður sem ekki hefur tekið þátt í deildarkeppni hérlandis eða erlendis á síðasta keppnistímabili og fram að umsóknardegi, skulu leyfð félagaskipti. Farið skal með félagaskiptin samkvæmt 3. gr. FÆRT Í GREIN 11~~
- b) ~~Íslenskur leikmaður sem ekki hefur leikið með íslensku félagsliði áður skal skrá sig líkt og um félagaskipti væri að ræða fyrir 1. október ár hvert og greiða félagaskiptagjald fyrir skráninguna. FÆRT Í GREIN 12~~
- c) ~~Íslenskir leikmenn sem fara utan til að spila og fara héðan á alþjóðlegu félagaskiptakorti, verða að fara eftir alþjóða reglum um félagaskipti. Þeir geta komið til baka til þess félags sem þeir voru skráðir hjá þegar þeir héldu utan. Félagaskipti skulu fara fram fyrir 1. febrúar. FÆRT Í GREIN 13 ALLT NEMA SÍÐASTA SETNINGIN SEM ER FELLD ÚT~~
- d) ~~Leikmenn, án félagaskipta, geta ekki tekið þátt í deildarkeppnum í tveimur löndum á sama tímabili nema að þeir skrái sig fyrir 1. febrúar til ÍHÍ og leiki ekkert erlendis eftir þann tíma. FELLT ÚT Í HEILD SINNI.~~
- e) ~~Stjórn ÍHÍ hefur heimild til að veita undanþágu ef leikmaður tekur þátt í deildarkeppni sem fram fer í ólíku tímabelti sunnan miðbaugs. Einfaldan meirihluta stjórnar þarf fyrir heimildinni. FÆRT Í GREIN 10~~

11. gr.

Leikmaður sem ekki hefur tekið þátt í deildarkeppni hérlandis eða erlendis á síðasta keppnistímabili og fram að umsóknardegi, skulu leyfð félagaskipti. Farið skal með félagaskiptin samkvæmt 3. gr.

12. gr.



Íslenskur leikmaður sem ekki hefur leikið með íslensku félagsliði áður skal skrá sig líkt og um félagaskipti væri að ræða fyrir 1. október ár hvert og greiða félagaskiptagjald fyrir skráninguna.

13. gr.

Íslenskir leikmenn sem fara utan til að spila og fara héðan á alþjóðlegu félagaskiptakorti, verða að fara eftir alþjóða reglum um félagaskipti. Þeir geta komið til baka til þess félags sem þeir voru skráðir hjá þegar þeir héldu utan.

14. gr.

Að öðru leyti fara félagaskipti og hlutgengi í mótum á vegum ÍHÍ eftir Móta- og keppendareglum ÍSí.

Staðfest og samþykkt af stjórn ÍHÍ á stjórnarfundum 25. ágúst 2026